



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: UP-I/21-3-40-536-5/21
Datum: 15.02.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „Rudnici boksita Jajce” d.d. Jajce u postupku izdavanja vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-rude boksita i arhitektonsko građevinskog kamena, sa pratećim objektima i sadržajima sa rudničkog pogona „Poljane”, općina Jace na osnovu člana 139. stav (1) tačka 3. i 10. Zakona o vodama („Službene novine Federacije BiH”, broj 70/06) i člana 200. stav (1) Zakona o upravnome postupku („Službene novine Federacije BiH”, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „Rudnici boksita Jajce” d.d. Jajce za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških i oborinskih onečišćenih voda sa rudničkog pogona „Poljane” koji se koristi za eksploataciju mineralne sirovine-rude boksita na površini, definiranoj s prelomnim tačkama:

TOČKE	KOORDINATE	
	Y	X
A	6.451.000	4.916.000
B	6.451.600	4.915.500
C	6.452.400	4.914.800
D	6.452.500	4.914.200
E	6.450.700	4.915.800
F	6.449.675	4.915.050
G	6.449.340	4.915.210
H	6.449.340	4.915.870

Eksploatacija arhitektonsko građevinskog kamena na površini, definiranoj s prelomnim tačkama:

TOČKE	KOORDINATE	
	Y	X
A	4.915.700	6.450.550
B	4.915.850	6.450.750
C	4.915.470	6.451.010
D	4.915.280	6.451.000
E	4.914.990	6.451.080
F	4.914.900	6.4501.900

Odnosno na katastarskim česticama br. 157, 167, 217/1, 296/2, 377, 550/4, 562, 849/2, 871/1, 871/2, 879, 969, 971, 972/1, 967/4, 967/5, 967/6, 967/7, 967/1 i 217/3, SP_Bistrica, općina Jajce.

2. Ova vodna dozvola se odnosi isključivo na objekt i aktivnosti definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da korisnik izgrađenih objekata i instalirane opreme koji se koriste za eksploataciju mineralne sirovine-rude boksita i arhitektonsko građevinskog kamena, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (taložnika i separator ulja i masti), a zatim ovako tretirane vode, preko kontrolnog šahta upuštaju u lokalni recipijent.

Ispuštena voda mora biti sukladna odredbama članova 14. i 15. Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.3. Čišćenje i održavanje strojeva vršiti isključivo na betonskoj podlozi s izvedenim sustavom odvodnje prema taložnicima odnosno uređaju za prečišćavanje otpadnih voda.
 - 3.5. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, može vršiti isključivo firma ovlaštena za tu vrstu djelatnosti, prema posebnom ugovoru.

Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površini koja se koristi za pretakanje nafte i naftnih derivata kao i ostalim površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Talog iz taložnika i separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.9. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.10. Da se svim aktivnostima koje se provode na eksploataciji mineralne sirovine-rude boksita i arhitektonsko građevinskog kamena ne smije ugroziti kvaliteta tla a time i kvaliteta i režim podzemnih voda.
 - 3.11. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda,

- sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.12. Da se za vrijeme trajanja dozvole za izgrađene objekte da se ishodi, pravomoćna upotrebnna i okolišna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, „Rudnici boksita Jajce“ d.d. Jajce je dužan provoditi sve mjere i aktivnosti propisane istom.
 6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godina od dana pravosnažnosti rješenja.

O b r a z l o ž e n j e

Pravni subjekt „Rudnici boksita Jajce“ d.d. Jajce se pismenim zahtjevom obratio ovoj Agenciji tražeći izdavanje vodne dozvole za aktivnosti koje mogu imati specifične uticaje na vode, a odnose se na eksploataciju mineralne sirovine-rude boksita i arhitektonsko građevinskog kamena sa jamskog kopa „Poljane“ sa prelomnim tačkama naznačenim u točki 1.ovog Rješenja odnosno na katastarskim česticama česticama br. 157, 167, 217/1, 296/2, 377, 550/4, 562, 849/2, 871/1, 871/2, 879, 969, 971, 972/1, 967/4, 967/5, 967/6, 967/7, 967/1 i 217/3, SP_Bistrice, općina Jajce.

U provedenom postupku dostavljena je i pregledana slijedeća dokumentacija:

- Aktualni izvod iz sudskog registra broj 051-0-Reg-18-000515 od 24.10.2018., izdanog od Općinskog suda Travnik;
- Ovjerenu kopiju uvjerenja o poreznoj registraciji izdato od strane Kantonalnog poreznog ureda Novi Travnik od 15.11.2018. godine;
- Ovjerenu kopiju uvjerenja o registraciji/upisu u Jedinstveni registar obveznika neizravnih poreza, broj 04/1-17-1-UPJR/1-15676-2/18 od 20.12.2018. godine;
- Rješenje o okolinskoj dozvoli za rudnik „POLJANE“ br. Upi-05/2-23-11-135/16MK od 08.05.2017.god. izdano od Federalnog ministarstva okoliša i turizma F BiH;
- Zemljišno knjižni izvadak br.94 izdan od Općinskog suda u Jajcu od 02.11.2021.god.;
- Izvod iz posjedovnog lista br. 794 i678 od 02.11.2021., izdan od Službe graditeljstva, prostornog uređenja, geodetskih, katstarskih i imovinsko pravnih poslova općine Jajce;

- Ugovor s JP „Vodovod i kanalizacija“ d.o.o. G.Vakuf br.117/2021 od 21.12.2021.god.. o čišćenju i održavanju septičke jame;
- Izvještaj o rezultatima monitoringa br. 01-2-2-53-IV/21 od 16.04.2021. izrađen od „ZAGREB INSPEKT“ d.o.o. Mostar;
- Projektno tehnička dokumentacija, Glavni projekt parterne oborinske i tehnološko otpadne vode za pogon „POLJANE“, izrađen od „ ZAGREB INSPEKT“ d.o.o. Mostar oznake 01-15-135-XII/21 iz 12/ 2021 . (vraćena Investitoru na uviđaju);
- Monitoring plan za okoliš- monitoring otpadne vode za 2022.god., izrađen od „ ZAGREB INSPEKT“ d.o.o. Mostar;
- Ugovor o zbrinjavanju opasnog otpada s poduzećem „CIAK“ d.o.o. Grude br.16/22;
- Ugovor o čišćenju i održavanje separatora masti i ulja s poduzećem „CIAK“ d.o.o. Grude br.17/22;
- Kopija uplatnice o plaćenju upravnoj pristojbi;

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-I/21-3-40-536-4/21 od 11.02.2022. na kome je konstatirano sljedeće:

Na kamenolom „Poljane“ prema prelomnim točkama navedenim u točki 1. ovog Rješenja odnosno na katastarskim česticama br. 157, 167, 217/1, 296/2, 377, 550/4, 562, 849/2, 871/1, 871/2, 879, 969, 971, 972/1, 967/4, 967/5, 967/6, 967/7, 967/1 i 217/3, SP_Bistrica, općina Jajce, vrši se eksploatacija mineralne sirovine- ruda boksit bez korištenja tehnološke vode. Kompletna eksploatacija rude iz eksploatacione jame kao i arhitektonsko građevinskog kamena, čija je eksploatacija u fazi pripreme, vrši se pomoću strojeva i opreme na električni odnosno pneumatski pogon.

U projektno tehničkoj dokumentaciji navodi se da nastaju dvije vrste otpadnih voda i to fekalne i oborinske vode, konstatirajući da po svom kvalitetu sve otpadne vode odgovaraju kvaliteti otpadnih voda koje potječu iz domaćinstva tj sa niskim opterećenjem. Također se navodi da oborinske vode koje nastaju u krugu Poljane, na otvorenom depou rude, nisu zagađene, s obzirom da se ruda odlaže u prirodnom stanju, odnosno ne radi se nikakva prerada, te tako iste ne predstavljaju otpadne tehnološke vode“.

Međutim i pored ovog navoda, može se zaključiti da nastaju oborinske, onečišćene vode, opterećenih suspendiranim materijama koje se skupljaju u rubnim taložnicima i nakon istaloženja vraćaju se na osnovnu deponiju a prečišćena voda se upušta u okolni recipijent.

Nadalje je utvrđeno da nastali otpad, u procesu suhog čišćenja strojeva i opreme se skuplja u kontejnere koje po posebnom ugovoru odvozi i zbrinjava, ovlašteno poduzeće za zbrinjavanje te vrste otpada „CIAK“ d.o.o. Grude, a mokri postupak čišćenje i održavanja strojeva vrši se na obližnjem rudničkom kompleksu „CRVENE STIJENE“ gdje se vrši i pretakanje nafte.

Izrađen program za monitoring otpadnih voda i uzimanje uzoraka iz kontrolnog šahta od strane ovlaštenog poduzeća „ ZAGREB INSPEKT“ d.o.o. Mostar.

Izrađena vodonepropusna septička jama za prihvrat fekalnih i sanitarnih voda koju održava i prazni JKP „Vodovod i čistoća“ d.o.o. Gornji Vakuf.

Izvještaj o rezultatima ispitivanja kvantitativnih karakteristika efluenta sa programom praćenja stanja voda, provodi „ZAGREBINSPEKT“ d.o.o. Mostar i izvještaj broj br. 01-2-2-53-IV/21 od 16.04.2021., ukazuje da su svi parametri prečišćenih otpadnih voda u granicama propisanih važećim uredbama.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH»

broj 31/15, 55/19 i 41/20) i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Točkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obrađivač akta:

Marko Barić, dipl.inž.grad.

Po ovlaštenju
Rukovodilac sektora za
izdavanje vodnih akata


Haris Ališehović, dipl.inž.grad.

Dostaviti:

- „RUDNICI BOKSITA JAJCE“ d,d Jajce, Divičani bb, Jajce
- AVP, ISV – Vodna knjiga
- Sektor 40 omot spisa
- Sektor 50
- Oglasna ploča-AVP Sava